

SMKTPB Santuni Murid Yatim dan Asnaf



LABUAN: Seramai 40 anak yatim dan murid dari keluarga asnaf masing-masing menerima sumbangan berupa barangan keperluan asas dan duit raya hasil kutipan Tabung Infak Ramadan serta sumbangan peribadi guru-guru dan staf SMKTPB kepada murid.

Sumbangan Bakul Kasih Ramadan ini adalah antara usaha pihak sekolah dalam menyemarakkan lagi aktiviti penghayatan sepanjang bulan puasa dalam kalangan guru dan staf bagi membantu golongan yang memerlukan.

Pengetua sekolah, Puan Norazita bt Md.Nor merakamkan penghargaan atas inisiatif Panitia Pendidikan Islam sekolah dalam Program Ihya Ramadan tahun ini memberi peluang kepada semua guru dan staf untuk menyantuni anak yatim melalui kutipan sumbangan samada barangan keperluan mahupun wang ringgit.

“Penglibatan pihak guru dan staf sendiri dalam

menyampaikan *Bakul Kasih Anak Yatim dan Asnaf* pada setiap tahun sentiasa dinanti-nantikan oleh guru untuk menambah nilai amalan di bulan Ramadan dan memberikan keceriaan dengan meringankan beban keluarga murid asnaf dan anak yatim terbabit untuk menyambut lebaran," katanya.

Berita Oleh : SMK Taman Perumahan Bedaun

